WY CONTROL CON

HARANGVE.

A R ma foy, Messieurs, si vous me demandiez ce que s'ay à proposer sur ce tapis, se serois bien empesché de vous le dire, tant se voy d'embarras aux affaires de la Resormation, & n'en faut point mentir que si s'eusse creu d'ensourner si mal, in resuls increases de la Paris d'aupres de

faires de la Reformation, & n'en faut point mentir que si l'eusse creu d'enfourner si mal, ie ne fusse iamais bougé de Paris d'aupres de mes maçons: Mais puisque la faralité en ordonne ainsi, encores ne faut-il pas ietter le manche apres la coignée. Ma consolation est que ie ne seray pas seul celebré en l'histoite, pour auoir plus entrepris, que ie n'ay peu faire. Car Monsieur Rose iadis Euesque de Senlis, se trompa aussi bien que moy en son calcul, s'imaginant la leuce de plusieurs miliers de soldarts, comme vn exain de mouches en l'air, pour le secours de la saincte Ligue, à ne prendre mesme (disoit ce bon Prelat) qu'vn homme pour clocher. Certes à ce que ie voy les bonnes coustumes se perdent, tout s'altere, tout se corrompt, il n'y a plus d'ardeur ny de zele à brouiller, comme i'ay veu autrefois en ma jeunesse, sur tout lors quela feu Royne Mere me vouloit honorer

gratis de la Capitainerie de la Bastille, si ie ne fusse deslogé sans trompette, & quand de plus fraiche dabte, vn homme que vous cognoissez, curieux de sçauoir toutes choses, s'en alla en diligence apprendre l'Allemand chez le Comte Palatin, pour se rendre tousiours plus vtile au seruice de Henry quatriesme son bien-faicteur, apres l'auoir assisté d'vn memorable secours au siege d'Amiens, & en la guerre de Sauoye. Tout en fin n'est aujourd'huy que froideur & lascheté de courage, à reformer les Royaumes à ma mode. Les Coqs de nostre Parroisse, que ie croyois estre les plus bouillas, ont tous à ce coup esté froids comme glace, les vis par amour & respect, les autres par foiblesse & manque de pounoir. Il n'est pas insqu'à ce grand Pontife, qui nes'amufant plus aux visions de son Mystere d'iniquité, me veut mettre à ceste heure en ombrage parmy toutes les Sinagogues de la France, aufquelles il ne chante par ses lettres que les benedictions de la paix en la liberté de leurs consciences, leur failant accroire que ie suis homme qui ne veux que faire mes affaires, & puis les laisser là, comme ie fis (dit-il) à l'assemblée de Saumur. D'ailleurs, les Mouchars que i'ay dans les Prouinces, me donnent advis que celles où nous presumons d'estre les Maistres, disent tout haut qu'elles ne veulent point tafter de nostre Reformation. Car faisans la guerre le premier mal comberoit sur leurs restes, soit en gardant eux mesmes nuict & iour les portes & les murailles de leurs villes contre leurs voilins, soit en y receuant garnison, veu la seruitude où ils s'engageroient, si leurs vies & leurs fortunes despendoient de la garde d'autruy, les bons Citoyens se contentans de viure paisiblement du leur, n'y ayant que quelques affamez & safraniers qui defirent la picorée du bœuf & de la vache. Quant à des hommes pour en faire de grandes leuées! on m'escrit qu'ils en ont fort peu de reserve, & presque point qui vueillent quitter de veuë le tuyau de leur cheminée, pour me venir trouuer si loing, quelque bruit que nous facions courre, qu'il y a de l'ordre & de la police en nos trouppes, soubs couleur de trois ou quatre miscrables que nous auons desta faict pendre, pour auoir baisé les seruantes de leurs hostes en prenant congé. Car il n'y a soldart pour d'amoureuse complexion qu'il soit, qui ne se passe volontiers de ce bel ordre. Les Ministres font aussi grandement apprehender à leurs ouailles, la desolation qui scroit incuitable à tour plein de bergeries esparses çà & là dans le Royaume, comme est entre autres l'Eglise Metropolitaine de Charanton, toutes lesquelles maudiroient celuy, qui les exposant en proye, auroit troublé leur repos.

O temps ! ô mœurs ! quel est cest endur-

cissement de cœur? Où est ceste premiere ferueur de nos peres? Où est le zele surieux & tutbulent de nostre Eglise primitiue il y a enuiron quarante ou cinquante ans? Tout est tellement resroidy, que i'oserois gager que de cent Huguenots qu'il y a, il ne s'en trouueroit pas le quart qui endurast le seu, pour maintenit dans Rome, que le Pape soit l'Antechrist. Et si pour le bien de la Resormation, il y en falloit tout presentement enuoyer deux, ie croy qu'à peine sourniroit-on d'vn second auec moy.

Vous vous souriez Messieurs, de me voir ainsi tordre la moustache, & que i'aye pris pour corps de deuise en ma cornette six paires de lunettes sur vn nez haut en couleur auec ces deux mots Grecs V N D E A V X I L I V M? De regarder du costé de l'Allemagne pour en tirer des Reistres & des Lansquenets, ie ne me suis pas encore saify des reliques & des calices de Sain& Denis pour les payer, estimant qu'à peine sortiroient-ils du pays sur ma simple parole. Pour l'Angleterre, ce Roy est si pacifique & si consciétieux à force de lire le liure des Roys, qu'il hayt comme le diable tous suiets qui se mutinent contre leurs Souuerains, parce que luy meline estant du mestier, a interestà l'inuiolable conservation de leur authorité. Quant aux Republicains nos voisins, ce sont vrayement gens qui s'entendent des mieux à la reformation des grandes Monarchies, & qui les trouuent bien plus belles en pourpoinct, que non pas reuestues de ces longues tuniques Royalles : Mais ie voy bien qu'en l'estat que sont auiourd'huy leurs affai. res, ils ont plus besoin de la France que d'A= lexandre le Forgeron. Il n'y a non plus que frire pour nous en Suisse. Voils comme tout nous manque, & comme ie recognois que l'Almanach de Beauregard n'est qu'vn menteur auec ses predictions fabuleuses, n'y ayat eu villes capitales, Parlements, peuples, ny Noblesse de marque, qui se loient laissez engluer comme font les moineaux quand il neige. Cartout ce que nous auons peu faire depuis trois mois, ç'a esté de ramasser cà & là quelques quatre mil hommes de pied, bons que mauuais, auec vn peu de caualerie pour nous venir promener sur le paué de Soissons, où nous sommes entrez en pope, afin qu'on ne die point que si apres Pasques nous saisons plus de bien, qu'on n'en esperoit de nous en Careline, ce ne soit pas par foiblesse de pounoir proceder à la reformation cest espouuétail n'ayat pointsi peu operé, qu'il n'air desia encheryà Paris le foin, l'auoine, le sagot, le coteret, & si le bois de corde hausse vne fois à la Greue, il y en aura de mal chauffez.

Or de penser saire le fin auec vous, vous ne me cognoissez que trop de par Dieu. Il n'est pas icy question de se mettre sur les belles paroles, & de vous faire vn long discours sur ma fidelite & bonne affection au service de leurs Maiestez, c'est chose que vous n'ignorez pas, & que vous sçauez autant ou peut estre mieux que moy. Il faut seulement aduiser ce qui se peut faire maintenant, à ce que ces Messieurs remportent quelque contentement de ceste conference, sur l'yssuë de laquelle toute la France a auiourd'huy les yeux iettez. Pour moy estant homme accort qui sçait faire & deffaire; afin qu'on ne m'estime pas vn boutefen qui se vueille rendre l'horreur de la posterité, si on m'en veut croire, ie suis d'auis que tout ce qui s'est faict iusqu'à present, se soit passé comme par ieu, & que nous acceptions la bonne volonte de la Royne, retournans jouyr doucement de sa bienueillance, & participer aux continuelles graces & faueurs, que ceste bonne Princesse, nous a tousiours departies, dotic ne seray iamais le moins du mode ingrat, recognoissant ses liberalitez comme ie faits. Et si selon vostre goust il y a quelque chose à desirer au gouvernement du Royaume, soit pour la distribution des charges, soit pour le soulagement des peuples, remettons cela à la renue des prochains Estats generaux, puisque sa Maiesté auoit desia resolu de les conuoquer auant que nous les cussions demandez. Si cependant on trouve bon que ie soulage Monsieur le President Icannin

Icannin au maniement des finances, i'engage ma foy & mon honneur, d'y faire mieux mes affaires en trois mois, que ce bon homme n'y fera les fiennes en toute sa vie. Ie ferois bien aussi ce me semble le Chancelier à vn besoing, pour bailler force cire verte aux gens d'honneur. Si mesme l'ossice de Connestable n'est supprimé par mort, ie l'aymerois bien autant pour moy que pour vn autre.

l'estime qu'il vaut mieux s'accommoder ainsi à l'amiable, sans toutessois en faire semblant d'abord, afin de mieux faire valoir le talent. Car d'entreprendre contre la Royauté, nulle guerre n'est iuste si elle n'est necessaire. Or de necessite il n'y en a certes point, l'Estat estant pacifique & florissant comme il est, ains ceseroit vne violence du tout inique, quelque pretexte que nous empruntions du bien public, veu que la voix du peuple, de qui nos trouppes deuocent la substance, crie vengeance deuant Dieu, la seuere iustice duquel armera tellement le bras du Roy, de force & de puissance, que nous demeurerons en fin accablez en nos desfeins, si nous n'allons au deuant de son indignation. Car tout passionné qu'on me croit estre, ie ne suis point si aueugle que ie ne voye biens qu'à mesme temps que nous ferons les fascheux, & que nous autons reietté les raisonnables conditions, que leurs Maiestez nous

offrent, on laschera apres nos fesses des Leuriers de si bonne race, que nous maudirons l'heure d'auoir iamais entrepris vne si malheureuse besongne. Et s'il nous arrivoit de perdre en vn combat sanglant ce peu de forces que nous auons, la reformation ne seroit-elle pas gaulée sans ressource? Qu'est le Gentilhomme qui peust sortir de sa maison à vingt lieues de nous, sans auoir soudain vn Preuost dans sa basse-cour pour luy saisir & confisquer ses biens à l'eternelle misere de sa femme & de ses enfans? De vous asseurer beaucoup de moy ny de mon chasteau, outre ce que i'ay à y penser plus d'vne fois auant que de me bander ouvertement contre le Roy vous pouuez bien croire que ie ne vous Souffrirois pas d'y entrer les plus forts, comme i'estime que nous sommes icy. Courage ô bons & fideles habitans de Soissons, vous meritez d'auoir l'honneur d'estre des premiers reformez apres Mezieres nostre fille aisnée. Tout cela meurement consideré. ie concluds qu'il se faut accommoder au cours du marché, ayant si mal pris nos mefures. Helas! iene cognois que trop l'humeur des gens, que nous desirons se ietter entre nos bras. Ie sçay que toute nouveauté plaist d'abordà quelques François : Mais ce sont des ceruelles qui ne peuvent pas longuement, demeurer en vne melme resolution. Ce qu'ils louent aujourd'huy, ils le

blasment demain. Ils controllent tout, ils murmurent de tout, & rien ne leur agrée que ce qu'ils font; tel pensant bien faire l'homme d'Estat, qui à peiné seroit bon Procureur de Chasteler. Bref ce sont esprits chagrins qui se plaignet de tout, qui s'ennuyent de tout, autant impatiens en la jouyssance du bien, qu'en la souffrance du mal. De sorte que ne les pouuas retenir par recompense de leurs seruices, n'en ayans le moyen, ny ne se voulans laisser beffler de vaines esperances. il est mal-aise d'asseoir sur eux aucun fondement. Nous auons beau leur prescher que tout s'en va estre reformé en la Iustice, aux armes, & que les charges de la maison du Roynese vendront plus. Ce qui est bon à dire maintenant, apres que moy qui parle, ay pour exemple de reformation vendu à beaux deniers contans celle que i'y auois, la baillat au Seigneur que i'ay toussours aymé, ou pour mieux dire recherché, tant que l'ay creu qu'il me pouuoit ayder à faire mes affaires. Ne nous reposons donc que de bonne sorte sur ces girouettes. Car quelque essor que prennent telles gens ils reuiennent tousiours loger à l'espée royalle, & quelques mutins qu'ils soient en la chaleur de leur mescontentement, ils trempent leur vin, ils reuiennent à eux, & aiment tousiours mieux vn grand Roy, soit mineur, ou homme faict. que de se voir asseruis sous le ioug de tant de

Bij

petits Maistres & de petits Salmonées qui ne peuvent gresser que sur le persil. Auec cela il est à craindre que ce cauteleux serpent de diuision ne se glisse parmy vous Messieurs, sur tout quand se viendra au departement des charges de ceste grande armée inuisible (ie voulois dire inuincible) dont vous ne serez pas si rost d'accord que du butin, lequel ie preuoy estre si reformé, que vous en aurez autant les vns que les autres. Ie n'apprehende pas ceste division sans cause, parce que le voy desia du refroidissement à quelques vns. Iene sçay mesme si vous Monsieur qui faictes si bonne chere à la reformation, auriez point quelque regret sur le cœur s'il vous falloit estre defuny de vostre maison, adherant sur tout à vn heretique comme i'ay l'honneur d'estre, vous qui estes fils de ce genereux Prince, qui imitant la pieté de ses Ayeulx, n'espargna iamais son sang pour la deffence de la Religion Catholique, laquelle vous pouuez bien croire, que moy & mes semblables voudrions voir exterminée aux despens de vos proptes testes. Et à ceste heure que ie parle d'accommoder les affaires, ie ne feindray point de vous dire rondement comme feroit vn Capucin, que le seul blasme & reproche qu'on vous peut faire que ie suis en vostre compagnie, est capable de vous rendre odieux à toute la France, de crainte qu'on a que vous faciez aussi manuais fruict

que moy, qui estois né Catholique fils de

bon pere & de bonne mere.

Regardez moy Messieurs, regardez moy de trauers tant que vous voudrez, ie vous dy franchement que ie vous tromperois si ie vous allois promettant beaucoup de service. Vous voyez, ie suis vieux, cassé, gousteux,& si mal sain dans le corps, que ie ne suis pas pour viure long-temps si Dieu plaist. Non que ie nepuisse dire sans me flatter, que ie snis assez vaillant de ma personne: mais au reste le plus malheureux homme du monde à la guerre. Vous sçauez comme ie fus faict prisonnier en Flandres, vous sçauez ce qui m'arriua à Dourlans, & n'en espere pas mieux en toute autre part, quoy que le bruit coure à Paris que ie me suis vanté de passer sur le ventre du regiment des gardes, auec ce peu d'infanterie que nous auons. Si ceste parole m'est eschappée ç'a esté en dormant, parce que ie ne dois pas ignorer, que les soldarts de ceste trouppe ne soient autant de Lyons coduicts par des plus braues & valeureux Capitaines de la France qui m'en feroient bien tost perdre l'enuie. I'ay de plus reputation de n'estre pas fort bon Maistre, pour obliger les honnestes gens à suiure ma fortune, nul de mes seruiteurs ne s'estant iamais fait Banquier au sortir de chez moy. D'ailleurs, ie me voy en cest aage chargé d'enfans. & ne sçay come apres moy, ma Sou-

ueraineté leur seroit asseurée, si ie mourois aux mauuaises graces du Roy, de la bienueillance & protection duquel, ie la tiensautant que de droict que i'y aye. le regarde que si d'autre costési'auois pour ennemy vn Roy d'Espagne, ie serois fort mal en voisins, & c'est ce qui me fait tat resuer sur ceste alliace, ne sçachat bonement si ie la doibs persuader ou non. Si ie dy qu'il la faille sursoir, en attendant l'occasion de la rompre tout à fait, ie feray plaisir à quelques vns, à qui l'vnion de ces deux couronnes oste le moyen de pouuoir brouiller: Mais au reuers de la medaille, si la France ne la faisant point, auoit à viure en mauuaise intelligence auec vn Prince si puissant, ie ne sçay pas si la frontiere & le dedans du Royaume en seroient plus asseurez, veu les dinissons & partialitez qui rongent les entrailles de cest Estat. Il y a tant à considerer là dessus, que pour n'y rien faire à l'estourdie, il vaut mieux remettre à en conferer à l'assemblée des trois Ordres, lesquels soubsle bon plaisir de leurs Maiestez resoudronts'il y a plus de iustice de reietter l'alliance du Roy d'Espagne qui est Carholique, que d'accepter celle du Roy d'Angleterre qui est Protestant, & si toutes deux ne sont pas à desirerpourle salut du Royaume.

Sur ceste attente le vous conseille Messieurs, d'aller tirer le premier cartier de vos pensions à Paris, ne quittans pas le certain pour l'incer-

rain, comme fist le chien d'Esope, qui prist l'ombre pour le corps. Car de vous refier sur moy, ie vous declare que ie vous pourrois suiure cinquante ans, auant que de faire marcher les Tresoriers de l'Espagne à vostre queuë, n'y ayat d'autre part teston à prendre en ce pays, qui ne fust baigné dans les larmes de la vefue & de l'orphelin. Si vous vous en retournez vous me ferez vn singulier plaisir, sans que vous preniez la peine de me reuenir voir, vos allées & venues me coustant desia bon, dont ie me gratte les oreilles, & qui pis est ie n'en oserois encores demander recompenseà la Royne, puisque la rigoureuse discipline de la reformation porte qu'il se faut du commencement oublier soy mesme. & ne parler que du bien public, qui est vrayement ce que ie cerche.

le preuoy en fin que si vous ne vous rangez à vostre deuoir, le Sacrificateur ne ietta iamais tât de pechez du peuple d'Israel sur la teste du bouc qu'il chassoit au desert, que vous serez hays, maudits, & detestez d'vn chacun, n'y ayat si petit Escolier qui ne sueillette son Calepin, pour y trouuer de nouuelles imprecations en vostre faueur. Ce n'est pas qu'on en vueille particulierement à vos personnes, lesquelles on honore: Mais l'ambition, la rancune, la discorde, sont les mauuaises Conseilleres qu'on abhorre en vous, comme celles qui vous portent à cest aueuglement, de ne considerer pas que tout ainsi que les braches se seichent, & n'ont plus de vie le tronc de l'arbre estant porté par terre: De mesme si par vos tumultes & confusions vous auiez debilité la vigueur du Chef de l'Estat, vous qui estes les parries nobles de ce corps, vous verriez bien tost reduicts en vne piteuse condition, pour le peu de respect que vous rendroient des peuples que vous auriez affriandez au libertinage & à la desobeissance: Retournez doc Messieurs, retournez d'où vous estes partis. Car aussi bie n'y a-il point de Cour, ny d'authorité legitime, que là où est le Roy, ou son aueu, non plus qu'il n'y auoit point d'image viuante de Republique qu'à Rome, quoy que Pompée se vantast de l'auoir emmenée auec luy, soubs couleur de quelques Citoyens & Senateurs qui le suiuoient en campagne, & lesquels en leur foiblesse ne le peurent iamais garantir de la ruine contre Celar.

S. Paul à Timoth. Epist. 2. ch. 4.

Alexandre le Forgeron m'a faict beaucoup de maux, le Seigneur luy rendra selon ses œuures.

FIN.